

Najib berikrar akan berlaku lebih banyak pembaharuan
The Malaysian Insider
16 April , 2012
Oleh Clara Chooi

KUALA LUMPUR, 16 April — Datuk Seri Najib Razak hari ini berjanji akan menyemak semula Akta Hasutan dan menggantikan Akta Mesin Cetak dan Penerbitan 1984 (PPPA) sebagai sebahagian daripada pembaharuan perundangan yang diharapkan dapat menarik undi untuk Barisan Nasional (BN) ketika pilihan raya yang dijangka bakal berlaku tidak lama lagi.

Perdana menteri itu membuat pengumuman selepas membentangkan Akta Undang-undang Kesalahan Keselamatan (Langkah-langkah khas) 2012 untuk bacaan kali kedua di Dewan Rakyat pagi ini.

Akta tersebut telah dibacakan di sidang Dewan minggu lepas, sebagai pengganti kepada Akta Keselamatan Dalam Negeri (ISA), yang diwujudkan sejak 25 tahun lalu bagi menghadapi ancaman Komunis.

“Kerajaan tidak takut untuk menghadapi arena demokrasi.

“Kami terbuka kerana percaya era kerajaan tahu semua sudah berakhir. Kami percaya bahawa kami telah melakukan yang terbaik untuk Malaysia,” kata Najib (gambar) kepada Dewan disusuli tepukan gemuruh di meja sebagai tanda sokongan ahli Parlimen.

Cadangan perubahan yang dibuat perdana menteri hari ini dilihat selepas BN akan menghadapi saat-saat akhir mandat lima tahun mereka, yang akan tamat April tahun depan.

“Kerajaan pasti akan terus berusaha untuk membawa perubahan dan transformasi politik,” katanya sebelum membentangkan bacaan Akta Hasutan berkenaan.

Beliau bagaimanapun menegaskan, tiga prinsip utama perlu kekal dalam sistem perundangan, yang mana mencagah undang-undang yang menghina institusi beraja, menimbulkan kebencian terhadap kaum, dan persoalan berkenaan hak Melayu, dan Bumiputera, termasuk agama-agama lain, seperti tertakluk di bawah Perlembagaan Persekutuan.

Akta baru yang bakal menggantikan PPPA, Najib memberikan jaminan kerajaan akan tetap memenuhi janji untuk memansuhkan keperluan memperbaharui permit organisasi media setahun sekali.

Tambahnya, akta baru itu turut akan dimasukkan peruntukan berkenaan pembentukan “Majlis Media” yang membolehkan industri media mempunyai “peraturan sendiri.”

MENYUSUL LAGI

The Malaysian Insider
Hakcipta © 2012 The Malaysian Insider

Source: <http://www.themalaysianinsider.com/bahasa/article/najib-berikrar-akan-berlaku-lebih-banyak-pembaharuan/>